

Resolución reitoral pola que se convoca a V edición dos premios ao mellor tfg/tfm en temáticas relacionadas coa Axenda 2030, a Cooperación ao Desenvolvemento e a RSC no curso académico 2022/2023

O estudiantado da Universidade de Vigo, de conformidade co establecido no artigo 64.h) dos Estatutos da Universidade de Vigo, ten dereito a beneficiarse das distintas axudas e bolsas que a Universidade e outras institucións establezan ao seu favor, coa finalidade de que ninguén quede excluído do estudo por razóns económicas.

A Universidade de Vigo está comprometida coa implementación dos Obxectivos de Desenvolvemento Sostible incluídos na Axenda 2030, en especial, aqueles vencellados coa cooperación ao desenvolvemento e a responsabilidade social. Estes premios oriéntanse a recoñecer a calidade daqueles TFG e TFM centrados no estudo destes temas nas distintas ramas de coñecemento.

Unha vez vista a *Lei 9/2007 de subvencións de Galicia*, as disposicións aplicables da *Lei 38/2003, do 17 de novembro, xeral de subvencións* e as súas normativas de desenrolo.

En virtude das facultades que lle outorgan a *Lei orgánica 2/2023, de 22 de marzo, do Sistema Universitario* e o artigo 72 do *Decreto 13/2019, do 24 de xaneiro*, polo que se aprobaron os estatutos desta universidade,

ESTA REITORÍA RESOLVE:

1. Convocar premios, en réxime de concorrencia competitiva, ao mellor traballo fin de grao e fin de mestrado da Universidade de Vigo que serán xestionadas de acordo coas bases reguladoras que figuran no Anexo I.
2. Publicar esta convocatoria e as bases que a regulan no taboleiro da sede electrónica sede.uvigo.gal/ e no [Portal de bolsas](#) da web da Universidade de Vigo.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

Vigo, na data de sinatura electrónica
O reitor
Por delegación RR 22/06/2022 (DOG 06/07/2022)
A vicerreitora de Benestar, Equidade e Diversidade
María Isabel Doval Ruiz

CSV : GEN-0380-27ae-1cc9-dc37-0294-92e3-9b5e-2905DIRECCIÓN DE VALIDACIÓN : <https://portafirmas.redsara.es/pf/valida>**FIRMANTE(1) : MARIA ISABEL DOVAL RUIZ | FECHA : 12/07/2023 09:58 | NOTAS : F**

ANEXO I

BASES QUE REGULAN A V EDIÇÃO PREMIO TFG/TFM EN TEMÁTICAS RELACIONADAS COA AXENDA 2030, A COOPERACIÓN AO DESENVOLVEMENTO E A RSC , 2022/2023

1. OBXECTO

Esta convocatoria ten por obxecto o recoñecemento dos traballos de fin de grao e mestrado oficial realizados polo estudiantado da Universidade de Vigo que se distinguan por ser especialmente relevantes en temáticas relacionadas coa Axenda 2030, a cooperación ao desenvolvemento e a responsabilidade social, facilitando a gratuidade da matrícula nos estudos que supoñan continuación dos xa cursados.

Convócanse premios distribuídos do seguinte xeito:

a) Premios para TFG en función do ámbito de coñecemento de pertenza dos estudos:

- Artes e Humanidades: 1
- Ciencias e Ciencias da Saúde: 1
- Ciencias Sociais e Xurídicas: 2
- Enxeñaría e Arquitectura: 1

b) Premios para TFM en función do ámbito de coñecemento de pertenza dos estudos:

- Artes e Humanidades: 1
- Ciencias e Ciencias da Saúde: 1
- Ciencias Sociais e Xurídicas: 2
- Enxeñaría e Arquitectura: 1

c) Unha vez adxudicados os premios anteriores, e ata o esgotamento do orzamento outorgaranse premios por orde de puntuación as persoas en listaxe de agarda, sen ter en conta o ámbito de coñecemento de pertenza dos estudos.

2. REQUISITOS DAS PERSOAS SOLICITANTES

Pode participar nesta convocatoria o estudiantado que cumpra os seguintes requisitos:

- a) Ter superado o traballo fin de grao ou mestrado universitario durante o curso 2022/2023 na UVIGO cunha cualificación igual ou superior a 8,5 puntos.
- b) A temática do TFG/TFM debe estar relacionada con:
 - **Axenda 2030:** todo tema relacionado con 17 obxectivos de desenvolvemento sostible: Fin da pobreza, Fame cero; Saúde e benestar; Educación de calidade; Igualdade de xénero; Auga limpa e saneamento; Enerxía accesible e non contaminante; Traballo decente e crecemento económico; Industria, innovación e infraestrutura; Redución das desigualdades; Cidades e comunidades sostibles; Produción e consumo responsables; Acción polo clima; Vida submarina; Vida de ecosistemas terrestres; Paz, xustiza e institucións sólidas e Alianzas para acadar os obxectivos.



- **Cooperación ao desenvolvemento no marco da Axenda 2030:** cooperación financeira; cooperación técnica; axuda alimentaria e axuda humanitaria; principios e fundamentos xurídicos; política e xestión; cooperación e muller; dereitos humanos; ONG e outros actores da cooperación ONG; cooperación empresarial; cooperación universitaria.
- **Responsabilidade social corporativa no marco da Axenda 2030:** políticas públicas inclusivas; políticas públicas para a igualdade de xénero; inclusión de persoas con discapacidade no emprego público; definición de valores públicos; actuación responsable nas organizacións públicas e privadas; código ético nas organizacións públicas e privadas; deseño de plans de voluntariado nas organizacións públicas e privadas; mellora na xestión de prevención de riscos laborais.

Non poderán ter a condición de beneficiario/a as persoas nas que conorra algunha das circunstancias establecidas no artigo 13.2 da *Lei 38/2003 xeral de subvencións, de 17 de novembro*.

3. INCOMPATIBILIDADES

Os premios que se establecen nesta convocatoria serán incompatibles con calquera outra axuda da mesma natureza e para a mesma finalidade.

4. DOTACIÓN, CONTÍA E PAGAMENTO

1. Os fondos destinados a esta axuda irán con cargo á aplicación orzamentaria 2023 0000 121D 482.99 e o importe máximo do crédito orzamentario retido para esta convocatoria ascende a 9.000,00 € para o que se achega o correspondente certificado de existencia de crédito.

2. A contía máxima de cada premio será a escoller pola persoa beneficiaria entre un premio en metálico de **500 € ou os prezos da matrícula (académicos e administrativos) de mestrado universitario para o curso 2023/2024** na Universidade de Vigo que en todo caso deberá estar realizada o 13 de outubro de 2023. Tamén se lles outorgará un diploma.

3. O pagamento do premio efectuarase mediante transferencia á conta bancaria indicada pola persoa beneficiaria na súa solicitude e da que deberá ser titular ou mediante o pago en formalización no caso de que a matrícula xa fora aboada.

5. PRESENTACIÓN DE SOLICITUDES E DOCUMENTACIÓN

1 As persoas solicitantes deberán empregar o **formulario en liña** no seguinte enlace https://secretaria.uvigo.gal/uv/web/formularios/encuesta/cubrir_paso1/11474, **descargalo e presentalo na sede electrónica** da Universidade de Vigo (<https://sede.uvigo.gal>) a través da Instancia Xenérica (SXER) existente na sede, pondo en **asunto** “Premios ó mellor TFG/TFM en temáticas relacionadas coa axenda 2030”, achegando unicamente o formulario coa solicitude. Só se poderá presentar unha solicitude por persoa.

O modelo específico de presentación de solicitudes é de uso obrigatorio para as persoas interesadas neste procedemento (art. 66.6 da *Lei 39/2015 do 1 de outubro, do procedemento administrativo común das administracións públicas*). Se algunha das persoas interesadas presenta a súa solicitude de xeito presencial, se lle requirirá para que a emenda a través da súa presentación electrónica. A estes efectos, considerarase como data de presentación da



solicitude aquela na que foi realizada a emenda, de acordo ao artigo 68.4 da *Lei 39/2015, do 1 de outubro, do procedemento administrativo común das administracións públicas*.

2. O prazo de presentación das solicitudes comezará o día seguinte a publicarse esta convocatoria e rematará o **29 de setembro de 2023, ás 23:59 horas** (hora peninsular española).

Xunto coa solicitude deberán subir a seguinte documentación ó formulario en liña (non hai que subir a documentación á sede electrónica):

- Memoria en formato pdf de non máis de **10 páxinas** nas que se describa as características do traballo.
- Informe da persoa directora do traballo.
- Unha copia en formato pdf do Traballo Fin Grao / Traballo Fin de Mestrado.

Tamén se lles poderá requirir que acheguen outra documentación que resulte necesaria para a correcta avaliación de requisitos e méritos alegados. O feito de non achegar a documentación requirida será causa de exclusión.

6. SELECCIÓN E RESOLUCIÓN

A Sección de Axudas e Bolsas, logo de rematar o prazo de presentación de solicitudes e unha vez examinadas estas e a documentación presentada, publicará a **listaxe provisoria de solicitudes admitidas e excluídas**, coa mención da causa de exclusión.

As persoas interesadas disporán dun prazo de **dez días hábiles** contados desde o día seguinte á publicación para emendar os erros, a falta de documentación e as causas de exclusión. Para tal fin deberán empregar o **formulario de alegacións** existente na Secretaría Virtual. De non presentar emenda entenderase que desiste da súa solicitude previa resolución ditada conforme á Lei 39/2015 de 1 de outubro.

A selección será efectuada pola comisión de avaliación de acordo cos seguintes criterios:

- temática e contidos claramente vencellados coa Axenda 2030, a Responsabilidade Social e a Cooperación ao desenvolvemento tal e como recolle o punto b) do apartado 2 desta convocatoria. Para calquera das tres temáticas valorarase a reflexión sobre a relación dos contidos do traballo coa Axenda 2030 no corpo do propio traballo: ata 4 puntos
- deseño do plan de traballo: obxectivos, preguntas, instrumentos de recollida e medición de datos, etc.: ata 3 puntos.
- integración de contidos pluridisciplinares ata 2 puntos
- grao de aplicabilidade ata 1 punto

En primeiro lugar adxudicaranse os premios do apartado a) e b) do punto 1. No caso de resultar vacantes nalguna das ramas poderán ser adxudicados á persoa con maior puntuación das listas de garda das outras ramas.

Unha vez adxudicados os premios do apartado a), asignarase o resto segundo os criterios establecidos no apartado b) do punto 1.

No caso de que o número de persoas admitidas sexa inferior ao de premios ofertados aplicarase o procedemento abreviado establecido no artigo 22 da Lei 9/2007, de 13 de xuño, de subvencións de Galicia.



CSV : GEN-0380-27ae-1cc9-dc37-0294-92e3-9b5e-2905

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 12/07/2023 09:58 | NOTAS : F

A Comisión de selección está composta por:

Presidenta: María Isabel Doval Ruiz, vicerreitora de Benestar, Equidade e Diversidade

Vogais: Henar Quintas Salgado, directora da Área de Equidade e Diversidade

Laura Movilla Pateiro, profesora da Área de Dereito Internacional Público e Relacións Internacionais.

Se, por calquera causa, no momento en que a comisión avaliadora teña que examinar as solicitudes, algún/algúnha dos/das compoñentes non pode asistir, substituirase pola persoa que para o efecto se nomee. Este nomeamento deberá recaer noutra persoa da mesma unidade, órgano, entidade ou colectivo.

Unha vez efectuada a selección pola comisión, a Sección de Axudas e Bolsas publicará a **listaxe provisoria de persoas con premio concedido, denegado** coa mención da causa de denegación e a **listaxe de agarda** para o caso de existiren renuncias.

As persoas interesadas poderán presentar alegacións no prazo de **dez días hábiles**, contados a partir do día seguinte á publicación. Para tal fin presentarán o **formulario de alegacións** na Secretaría Virtual.

Unha vez que a comisión revise as alegacións enviaralle a proposta á vicerreitora de Benestar Equidade e Diversidade quen adxudicará os premios mediante a correspondente resolución.

As persoas interesadas poderán entender desestimadas as solicitudes de non se ditar resolución expresa no prazo de 3 meses contados desde o día seguinte ao do remate do prazo de presentación de solicitudes.

A resolución conterá a listaxe definitiva de persoas con premio concedido e a súa contía, con premios denegado e a causa de denegación, e a listaxe de agarda para o caso de existiren renuncias.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar dende o día seguinte ao da súa publicación, de conformidade co disposto na *Lei 29/1998, do 13 de xullo, reguladora da xurisdición contencioso-administrativa*.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se produciase a desestimación presunta do recurso de reposición interposto, segundo o previsto no artigo 123.2 da *Lei 39/2015, do 1 de outubro, do procedemento administrativo común das administracións públicas*.

As listaxes ás que se refire este punto así como a Resolución de adxudicación publicaranse no taboleiro da sede electrónica sede.uvigo.gal/ e no [portal de bolsas](#) da web da universidade, producindo os efectos da notificación de conformidade co artigo 45 da *Lei 39/2015, do 1 de outubro, do procedemento administrativo común das administracións públicas*.

As comunicacións individuais necesarias realizaranse ao enderezo electrónico sinalado na solicitude, sen que estas teñan a consideración de notificación.



CSV : GEN-0380-27ae-1cc9-dc37-0294-92e3-9b5e-2905

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 12/07/2023 09:58 | NOTAS : F

7. RENUNCIA

A renuncia voluntaria deberá realizarse mediante o **formulario de renuncia** existente na secretaría virtual e presentado na sede electrónica da Universidade de Vigo <https://sede.uvigo.gal> dirixido á Sección de Axudas e Bolsas, xunto co xustificante de reintegro da contía correspondente no caso de terse efectuado o pagamento. As renuncias aceptadas darán lugar á concesión do premio á seguinte persoa da lista de agarda.

8. OBRIGAS

A persoa beneficiaria que opte pola opción de recibir como premio o importe da matrícula **deberá matricularse** na Universidade de Vigo antes do 16 de outubro.

Ademais o beneficiario/a debe cumprir as obrigas recollidas no artigo 14.1 da *Lei 38/2013, de 17 de novembro, xeral de subvencións*, que lle sexa de aplicación.

9. PROPIEDAD INTELECTUAL

A propiedade intelectual do traballo premiado e a propiedade material dos documentos que o integran corresponde ao autor/a do mesmo. A Universidade de Vigo poderá difundir con fins publicitarios o título, resumo e autor do traballo premiado.

10. REINTEGRO DAS AXUDAS E PERDA DO DEREITO DE COBRO TOTAL OU PARCIAL

Son causas de reintegro destas axudas:

- Non cumprir os requisitos e obrigas recollidas na convocatoria.
- Ocultar datos, alteralos ou manipular a información solicitada.
- Incurrir nalgunha das causas de incompatibilidade establecidas nesta convocatoria.

A persoa beneficiaria que incorra nalgunha destas causas, está obrigada a reintegrar á Universidade a cantidade indebidamente percibida.

11. TRANSPARENCIA

1. De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente vulgare que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.



CSV : GEN-0380-27ae-1cc9-dc37-0294-92e3-9b5e-2905

DIRECCIÓN DE VALIDACIÓN : <https://portafirmas.redsara.es/pf/valida>


FIRMANTE(1) : MARIA ISABEL DOVAL RUIZ | FECHA : 12/07/2023 09:58 | NOTAS : F

12. PROTECCIÓN DE DATOS

Información sobre a política de protección de datos en:

[https://www.uvigo.gal/sites/uvigo.gal/files/contents/paragraph-file/2019-11/Texto %20proteccion datos para CONVOCATORIAS bolsas.pdf](https://www.uvigo.gal/sites/uvigo.gal/files/contents/paragraph-file/2019-11/Texto_%20proteccion%20datos%20para%20CONVOCATORIAS%20bolsas.pdf)

Código seguro de Verificación : GEN-0380-27ae-1cc9-dc37-0294-92e3-9b5e-2905 | Puede verificar la integridad de este documento en la siguiente dirección : <https://portafirmas.redsara.es/pf/valida>

	CSV : GEN-0380-27ae-1cc9-dc37-0294-92e3-9b5e-2905
	DIRECCIÓN DE VALIDACIÓN : https://portafirmas.redsara.es/pf/valida
	FIRMANTE(1) : MARIA ISABEL DOVAL RUIZ FECHA : 12/07/2023 09:58 NOTAS : F